

TUHAQTITJUTAA

Qilamik Tuhaqtitjutikhaq
Immaktirvia 15, 2010

Uataani Hivuliqtiit Katimatjutaa

UATAANI HIVULIQTIT HAVALIKTAIT IMAKMUT MUNARITJUTIKHANUT UNALU MUNARINIRMUT QANURILIURUTIKHAT

VANCOUVER – Uataani Hivuliqtiit hivuliqmik havaknahualiktaat nutaaq qanuriliurutikhaq munaritjutigilugu Kanataup imiktarviinnik.

“Mikhiliktunik nilaqtyuanik aputillu, immakyualikpaknialikhuni imaup ulpkaakninga, munarittaaktangit immat nutqayuitutik aviktuqhimayumi nunanilu naunaitkutaini,” uqaqtuq British Columbia-mit Hivuliqti Gordon Campbell, ikhivautalik talvani 2010 Uataani Hivuliqtiit Katimatjutaa. “Una havaktauyuq ikayuutiginiyaqtakkut ihuaqtumik ihumaliuriaptingnik piliuqlutalu angiyunik, aturaaqpaktakhanik munaritjutikhanik imakmut upalungaiyautigilugit naguuyumik imiktarviqariaptingni hivunngani inuuhitjutauyumi.”

Kanata tatja pihimayait tahapkuat 7-mit 9-mut pusatnganik nunakyuami naguuyumik imaiktarvigiyauyanik. Una pivigiyait ayuqhautiqaqniaqtut hilaup aallannguqtirutainut unalu imaknik atuqpaktunik havakvikiyuani, nauttiyuni, nunaqaqtuni, nunallaanilu.

- Kanata naunaikhimayuuq 29mik tahapkuninga 30-nit OECD nunagiyauyuni atauhiqmut inungmut imaktuktuni.
- Akunngani 1985-mi 2005-milu, B.C.-kut Alberta-kullu nilaqtyuangit naunaittuq una 11.3 pusat ikiklilaarutaa talvani.

Uataani Hivuliqtiit angiktullu havalirianginni imaup kauritjutaanut ihuariakhanganullu ikiliyaarumavlugu imaktuktut. Ikayuktaat piliurumavlutik nunakyuami inungnut kangikhipkailutik aghuurutigilugu hunavalungnik naunaikhilutik ikayuutigiyakhaat Kanatamiutat atulirianginni imaktukyuangittunik hunavaluit uumatut akkiutanut uakhitit aannuraanullu uakhitit atuqtakhainut aihimavingmingni.

Hivuliqtiit pitqyaraluangit kanataup kavamanga iliritkuvlugit titiraqmik kangikhitjutikhamik tahapkuallu United States-kut atulirianginni uuminga imakmut ihuaqtumik (WaterSense) atuqpangianginni titiraliqhilutik havaktauluni Kanatami.

Una Western Water Stewardship Council-kut, havaktauhimayuuq Hivuliqtinit ukiungani 2008, havaktakhayut ukuninga:

- 1) Naunaiklugit ittut immat ukuatlu hilaup qauyihaitjutait naunaitkutanillu hulilukaarutit, ukuatlu qanuq pivianginni tahapkuninga naunaitkutanik qanuqlu ikayuutiginiariakhaa ihumaliurutikhanut.
- 2) Naunaiklugit havakviit aallallu tatja ilaayut hulilukaarutigiyaini, qanuqlu pilluagakhatik ihuaqhiniariakhainut atuqtakhanut ihumaliurutikhanullu.
- 3) Havaliklugit, ihuaqtumik, ihuaqhihimayut pitjutikhat ihuaqtumik havakatigiigianginni ukuat havakviit aallallu, hulilukaarutikhatik atuqtakhat ihumaliuqtukhallu.

Uataani nualgit havakatiginiqtaait inuit kavamatkullu havakviit ihuaqtimik piyaangani una Nunakyuami Imakmut Ublua, uumani piniqtaimi Qiqaiyaqvik 22, 2011, nunakyuami hulilukaarutikhaq kangihitjutigilugu imakmut munaritjutikhanut.

Hivuliqtiit angiktut taaffumunga Imakmut Uqaqtanginnut Pilaarutinut naunaiklugu qilamik havaktauyaangani imakmut pilluagakhanut. Uataani Hivuliqtiit apiqhinaqtut aviktuqhimayunik ilauqulugit taaffumunga Uqaqtanginnut Pilaarutinut talvani tikiliktumut Katimayiuyut Timiuyunut katimaniaqtunut.

“Imak ihuaqtuq atuqtauvluni nauttiyunut, nauttiyunut napaaktunik, havakvikyuanu, nunallaani, hulilukaaktiyit, aanniartailinirmut uumayuni avatimingnilu,” uqaqtuq Hivuliqti Dennis Fentie. “Pitjutit hialup aallanguqtirutaanut uvagullu inugiakhilqhuta naunaittuq aallamik havaktukhauyugut atuqnirmut imaptingnik – aihimavluta nanminiptingni havakvikyuanilu.”

Uataani Hivuliqtiit uqariyaillu qanuq ayuqhautigikyupagaintut kinipanik hilami uumani upinngaami ihumaaluutigiyait nauttiyit niqihqmingnik nauttiinahuat.

Ulpkaakniq immakyuaqhuni nauttiinaittuq imaalu naunaittuni piniqtaut anitqiyauvluni nauttiingittuni Uataani Kanatami talvanga atulihaaktillugit 1970-ni. Nauaiktaat Canadian Wheat Board-kut, akunngani 8.25 milliat unalu 12.5 milliat nunat talvani iviqaqtumi nunami nauttiiviinni nauttilimaittut uumani ukiungani.

Uataani Hivuliqtiit ublumi uqaqvigiyait kanataup aviktuqhimayunilu ministanginnut qilamiukuvlugit uqarilugit ikayuutikhat tahapkuninga ayuqhaqtunut nauttiivaktunut nunallaanginnik.

“Nauttiyit tatja ayuqhalikmiyut,” uqaqtuq Hivuliqti Greg Selinger. “Havaktauyunik pikaraluakhuta, kavamatkut havakatigiiktughat nauttiyit ikayuqhiringinni tatja ayuqhautigiliktamingnut.”

“Tatja, 30 pusat Saskatchewan-kiutat nauttiiviit nautiktakhanik illirihimaittut amihullu nautiknahuaqtangit immakpiaktut,” uqaqtuq Hivuliqti Brad Wall. “Takuyaktuktara ilanga tununnga kivataa Saskatchewan-mi ippakhaq naguunngiktut naunaitpiaktut. Nauttiivaktut ilakatigiit qiniqhiayut kavamatkunit ikayuqhirumavlutik.”

“immakpiaktuq Alberta-mi amihunut pingittuugaluaq, ikayuutikhanut akiit hunavaluillu akiit ayuqhautigiinnaqpagait,” uqaqtuq Hivuliqti Ed Stelmach. “Uumani ukiungani amihut nauttiyit nunallaallu ayuqhautiqaqtut nauttiyaamingnik.”

-30-

Naunaitkutikhaa kingnguagut ilaliutihimayuq.

Uqaqvigilug Bridgitte Anderson
u: Tuhaqtauyughanut Titiraqti
 Hivuliqtiup Havakviani Gordon
 Campbell
 Aviktuqhimayumi British Columbia
 604 307-7177 (nakhakattaktaanut)